

PWYLLGOR ARCHWILIO PARTNERIAETHAU

Cofnodion cyfarfod o'r Pwyllgor Archwilio Partneriaethau a gynhaliwyd yn Neuadd y Sir, Rhuthun, Dydd Iau, 27 Medi 2012 am 9.30.

YN BRESENNOL

Y Cynghorwyr Brian Blakeley (Cadeirydd), Joan Butterfield, Ann Davies, Meirick Davies, Pat Jones, Margaret McCarroll, Dewi Owens, Merfyn Parry, Bill Tasker a/ac Huw Williams

Aelodau Cyfetholedig Mrs Gill Greenland and Dr Dawn Marjoram

HEFYD YN BRESENNOL

Y Cynghorydd Bill Cowie, Y Cynghorydd Bobby Feeley a/ac Y Cynghorydd Eryl Williams

Cyfarwyddwr Corfforaethol: Cwsmeriaid (HW), Cyfarwyddwr Corfforaethol Moderneiddio a Lles (SE), Rheolwr Adfywio Strategol (MD), Cydlynnydd Rhwydwaith Addysg 14-19 oed (JG), Rheolwr Partneriaeth Diogelwch Cymunedol (ST), Pennaeth Cynllunio a Gwarchod y Cyhoedd (GB), Rheolwr Busnes Bwrdd Lleol Diogelu Plant (GH), Uwch Swyddog Gwastraff (AR), Cydlynnydd Archwilio (RE) and Swyddog Gwasanaethau Democraidd (RAH)

Croesawyd pawb i'r cyfarfod gan y Cadeirydd ac fe estynnodd groeso arbennig i'r Cynghorydd Sue Lloyd-Williams, Cadeirydd y Pwyllgor Trosolwg Partneriaethau a Phwyllgor Craffu CBS Conwy, Yr Athro Michael Scott, Is-ganghellor Prifysgol Glyndŵr, a Matthew Stewart o Heddlu Gogledd Cymru.

1 YMDDIHEURIADAU

Derbyniwyd ymddiheuriadau am absenoldeb oddi wrth y Cynghorwr(wyr)
Ms C. Burgess, Ms. D. Houghton a/ac Alice Jones

2 DATGANIAD O FUDDIANNAU

Nid oedd gan yr un Aelod fuddiant personol na niweidiol mewn unrhyw fusnes a nodwyd i'w ystyried yn y cyfarfod.

3 MATERION BRYN YN ÔL CYTUNDEB Y CADEIRYDD

Ni chodwyd unrhyw faterion y dylid, ym marn y Cadeirydd, eu hystyried yn y cyfarfod fel mater o frys yn unol ag Adran 100B(4) Deddf Llywodraeth Leol 1972.

4 COFNODION Y CYFARFOD DIWETHAF

Cyflwynwyd cofnodion cyfarfod diwethaf y Pwyllgor Craffu Partneriaethau a gynhaliwyd ar Orffennaf 12fed 2012 ac fe'u cymeradwywyd o ran eu cywirdeb.

Hysbysodd y Rheolwr Adfywio Strategol y Pwyllgor fod y Cabinet, ymhellach i Eitem 8, Cydweithrediad Rhanbarthol ar Ddatblygu Economaidd, wedi cymeradwyo cyfranogiad Cyngor Sir Ddinbych ym Mwrdd Uchelgais Economaidd Gogledd Cymru ers hynny.

Penderfynwyd derbyn y *Cofnodion a'u cymeradwyo'n gofnod cywir.*

5 ADOLYGIAD O ADDYSG UWCH YNG NGOGLEDD DDWYRAIN CYMRU

Cyflwynodd y Rheolwr Adfywio Strategol (RhAS) adroddiad a oedd yn gofyn am sylwadau'r Pwyllgor ar y trefniadau cyfredol ar gyfer addysg uwch yng Ngogledd Ddwyrain Cymru cyn cynnal adolygiad gan banel adolygu annibynnol dan gadeiryddiaeth Yr Athro Syr Adrian Webb, a ddyluniwyd i hwyluso cydlynad rhanbarthol agosach rhwng colegau addysg bellach lleol a Phrifysgol Glyndŵr yn Wrecsam.

Cyflwynodd y RhAS yr Athro Mike Scott o Brifysgol Glyndŵr a roddodd gyflwyniad i'r Pwyllgor ar swyddogaeth y Brifysgol yng Ngogledd Ddwyrain Cymru. Nododd yr Athro Scott nifer o broblemau'r oedd y Brifysgol yn ymryson â nhw yn cynnwys niferoedd derbyn sy'n gostwng, lleihad o 53% yn y cymorth ariannol a ddarperir gan Gyngor Cyllido Addysg Uwch Cymru, a darfyddiad cyrsiau hyfforddi athrawon yn Wrecsam a oedd yn golygu y byddai'n rhaid i fyfyrwyr dysgu potensial deithio i Fangor neu Gaer.

Dywedwyd fod Prifysgol Glyndŵr yn ymdrechu tuag at ddod yn bartner economaidd arbenigol i'r rhanbarth drwy ganolbwyntio ar ddarparu cyrsiau perthnasol sy'n ymwneud â diwydiant a bod llwyddiant adran Astudiaethau Plentynod Cynnar Glyndŵr a'i ymglymiad â datblygu technoleg drwy'r Technium OpTIC, sydd newydd ei brynu yn Llanelwy, yn gyrru hyn.

Pwysleisiodd y Cyfarwyddwr Corfforaethol: Cwsmeriaid (CC:C) bwysigrwydd presenoldeb Prifysgol Glyndŵr i wella'r economi leol a'i rôl yn symud uchelgais Sir Ddinbych o adfywiad economaidd a datblygiad ymlaen. Dywedwyd fod y Brifysgol yn sefydliad hanfodol i fyfyrwyr lleol na allai fforddio mynd i brifysgolion ymhellach i ffwrdd a mynegwyd pwysigrwydd cael darpariaeth addysg uwch o ansawdd yn lleol ar gyfer dysgwyr gydol oes.

Diolchodd aelodau'r Pwyllgor i'r Athro Scott am ei gyflwyniad ac fe godwyd nifer o bwyntiau yr ystyriwyd eu bod yn bwysig o ran dyfodol darpariaeth addysg uwch yng Ngogledd Ddwyrain Cymru.

- Yr angen i gryfhau cysylltiadau rhwng Prifysgol Glyndŵr a cholegau addysg uwch lleol, yn ogystal â chyda phrifysgolion eraill
- Pryder am y lefel ariannu is o'i gymharu â phrifysgolion eraill oherwydd poblogaeth ranbarthol fechan.

- Pwysigrwydd osgoi unrhyw gyfyngiadau ar y gwaith positif a wneir gan y Brifysgol yn dilyn yr adolygiad, ac ar barhad datblygiad prifysgol gadarn a bywiog ar gyfer yr ardal leol.
- Yr awgrym o atodi perthnasedd cyrsiau i ddiwydiant drwy hyrwyddo ysgoloriaethau, prentisiaethau a hyfforddiant i raddedigion gyda chwmnïau a sefydliadau lleol a chenedlaethol.
- Yr angen i gadw talent yng Nghymru, drwy gydweithrediad agosach, o bosib, â phrifysgolion eraill gyda chyflenwi cyrsiau fel gyda hyfforddiant athrawon.

Penderfynwyd:

(i) cydnabod pwysigrwydd darpariaeth addysg uwch yng Ngogledd Ddwyrain Cymru i danategu dichonoldeb economaidd yr ardal ac uchelgais y Cyngor a'r rhanbarth i ddatblygu ffyniant yn y dyfodol;

(ii) cydnabod pwysigrwydd darpariaeth addysg uwch yn yr ardal i ddatblygu'r sgiliau a'r cymwysterau gofynnol y mae ar fusnesau a diwydiannau lleol eu hangen i ffynnu a gyrru ffyniant economaidd;

(iii) cefnogi'r gwaith ymchwil pwysig a wneir yn lleol yn Sir Ddinbych a'i botensial i gynorthwyo datblygiad economaidd ac adfywiad yr ardal;

(iv) y dylid gwneud pob ymdrech i weithio gyda phrifysgolion cymdogol i alluogi athrawon i gael y sgiliau a'r cymwysterau gofynnol a fyddai'n caniatáu iddyn nhw ddysgu yn eu cymunedau lleol, drwy gyfrwng y Gymraeg, y Saesneg neu'r ddwy iaith, ac i ddysgu'r cwricwlwm Cymraeg;

(v) y dylid annog Prifysgol Glyndŵr i hyrwyddo ei gyrsiau'n weithredol mewn ysgolion a cholegau yn Sir Ddinbych gyda'r bwriad o ddenu mwy o fyfyrwyr o'r sir i astudio yno.

6 PARTNERIAETH DIOGELWCH CYMUNEDOL

Ar gyfer y drafodaeth ar yr eitem yma roedd y Pwyllgor yn eistedd fel Pwyllgor Craffu Trosedd ac Anrhefn dynodedig y Cyngor yn unol â Deddf Heddlu a Chyfiawnder 2006 adrannau 19 ac 20.

Cyflwynodd y Rheolwr Partneriaeth Diogelwch Cymunedol (RhPDC) adroddiad a oedd yn rhoi manylion y cynnydd a wnaethpwyd gyda chyflenwi'r Cynllun Gweithredu Diogelwch Cymunedol Tair Blynedd yn ystod 2011/12 ar gyfer y Bartneriaeth Diogelwch Cymunedol rhwng Cyngor Sir Ddinbych a Chyngor Bwrdeistref Sirol Conwy. Yna fe gyflwynodd y RhPDG Matthew Stewart o Heddlu Gogledd Cymru a lywiodd y Pwyllgor drwy grynodedb perfformiad manwl o'r Bartneriaeth yn y flwyddyn ddiwethaf gan fesur perfformiad yn erbyn y pum Maes Blaenoriaeth a oedd yn ceisio:

- Lleihau trosedd a'r effaith ar y gymuned
- Lleihau aildroseddu
- Taclo Ymddygiad Gwrthgymdeithasol yn effeithiol ac ymddygiad sy'n effeithio er gwaeth ar yr amgylchedd

- Lleihau'r niwed a achosir gan gamddefnyddio alcohol a sylweddau
- Taclo cam-drin domestig

Cododd Aelodau'r Pwyllgor nifer o gwestiynau ynglŷn â materion Diogelwch Cymunedol ac mae crynodeb o'r rhain isod:

- Cydnabuwyd llwyddiant prosiect peilot diweddar o ddefnyddio fflat anodd-ei-osod yn Princes Street, y Rhyl fel canolfan adnoddau leol ar gyfer Swyddogion Heddlu Cymorth Cymunedol, a dywedwyd wrth y Pwyllgor y byddai mentrau tebyg yn cael eu cyflwyno ar draws Gogledd Cymru i ddilyn ymlaen â'r llwyddiant yma.
- Nododd y Cynghorydd Dewi Owens nad oedd Swyddogion Heddlu Cymorth Cymunedol (SHCC) Llanelwy wedi gallu darparu'r un presenoldeb rheolaidd ag o'r blaen a bod mân droseddau wedi cynyddu yn y dref a dywedodd fod ar SHCC angen digon o amser i ymgymryd â'u rôl. Cadarnhaodd Mr Stewart fod cant o SHCC yn cael eu hyfforddi ar hyn o bryd ac y bydden nhw'n fuan yn gallu cynorthwyo gyda chefnogi cymunedau i ddelio â mân droseddau drwy ddull datrys problemau rhagataliol a fyddai'n helpu i ragweld trosedd cyn iddi allu digwydd.
- Mynegwyd pryderon nad oedd y camerâu CCTV yn cael eu defnyddio'n effeithiol ac nad oedd problemau parhaus o droseddau parcio a throeddau ymddygiad gwrthgymdeithasol sy'n ymwneud ag alcohol yng nghanol tref y Rhyl, yn cael sylw. Priodolwyd hyn i ostyngiad diweddar yn nifer y staff ac absenoldeb na ellid ei osgoi oherwydd salwch o fewn y tîm CCTV, ond fe nodwyd fod y tîm yn awr yn agos at fod yn gyflawn o ran niferoedd. Dywedodd Pennaeth Cynllunio a Diogelu'r Cyhoedd wrth y Pwyllgor fod darpariaeth CCTV y Cyngor yn cael ei adolygu ar hyn o bryd yng nghydestun lleihad yn y gyllideb CCTV, a dywedodd y rhoddid manylion pellach yn dilyn y drafodaeth ar y mater yma gan y Tîm Gweithredol Corfforaethol. Cytunodd y Pwyllgor fod problem ymddygiad gwrthgymdeithasol yn y Rhyl yn dal i fod yn fater difrifol a byddai angen sylw priodol cyn y gellid ei datrys. Cytunwyd i gyfeirio'r mater yma at Grŵp Cadeiryddion ac Is-gadeiryddion Craffu fel y gellid ei ddyrannu ar gyfer craffu pellach.
- Sylwyd ar y cynnydd mewn derbyniadau'n ymwneud â chyffuriau ac alcohol yn Ysbyty Glan Clwyd ac fe hysbyswyd yr aelodau fod mesurau yn eu lle i ddarparu rhaglen dadwenwyno cymunedol, ond nad oedd y trefniadau presennol yn llifo i'w gilydd o angenrheidrwydd.

Codwyd nifer o faterion hefyd a oedd yn ymwneud yn fwy penodol â materion plismona, ac fe ddywedodd y RhPDG y byddai'r rhain yn cael eu pasio ymlaen i Grŵp Gweithredu'r Heddlu fel y gellid darparu ymateb llawn i'r Pwyllgor. Mae'r materion a godwyd wedi eu crynhoi isod.

- Pryder nad oedd y fenter Gwarchod Tylluanod mor effeithiol â'r cynllun Gwarchod Ffermydd a oedd yn bod yn flaenorol, ac nad oedd y gwasanaeth negeseuon testun i rybuddio preswylwyr o gerbydau amheus yn eu hardal, yn weithredol bellach.
- Awgrymodd y Cynghorydd Bill Cowie, cynrychiolydd CSDd ar yr Awdurdod Heddlu/y Panel Heddlu a Throsedd a chyn swyddog yr heddlu, y dylid

ailgyflwyno dull a ddefnyddiwyd yn flaenorol lle byddid yn rhoi cerdyn ar gerbydau'n hysbysu'r perchennog o unrhyw drosedd ac yn eu hysbysu fod angen iddyn nhw gysylltu â'r heddlu. Dywedwyd fod hyn yn ffordd effeithiol iawn o nodi troseddau/troseddau eraill llai amlwg

- Problemau ymddygiad gwrthgymdeithasol sy'n ymwneud â chymeriant alcohol yn yr ardal o gwmpas Neuadd Tref y Rhyl yn cael eu gwaethygu oherwydd llai o bresenoldeb heddlu ac mae hyn yn awr yn broblem sylweddol. Gofynnodd y Pwyllgor am i gamau gael eu cymryd i ddelio â'r broblem yma, efallai drwy weithredu parth di-alcohol yn yr ardal neu drwy gael patrolau'n fwy rheolaidd.
- Pryder am bobl yn yfed y tu allan i dafarnau ar Stryd Bodfor mor fuan â 9am a hynny'n creu amgylchedd annymunol i breswylwyr ac ymwelwyr.
- Problem barhaus o ddwyn plwm o doeau eglwysi ac ysgolion. Angen mwy o ymdrech i nodi'r farchnad sy'n gyrru'r lladradau yma er mwyn mynd i wraidd y broblem.

Penderfynwyd bod:

i) Y Cyngor yn derbyn yr adroddiad ac yn nodi'r cynnydd a wnaethpwyd yn erbyn Cynllun Gweithredu Partneriaeth Diogelwch Cymunedol ar gyfer 2011-12;

ii) Y meysydd o bryder a amlygwyd gan aelodau'r Pwyllgor yn cael eu cydnabod gan y Bartneriaeth Diogelwch Cymunedol yn feysydd sy'n gofyn am ystyriaeth bellach ar gyfer gweithredu targedol;

iii) Diweddariad ar gapasiti'r Cyngor ar gyfer darpariaeth CCTV yn cael ei gyfathrebu i'r Pwyllgor yn dilyn eglurhad yng nghyfarfod CET ar Hydref 1af;

iv) Problem ymddygiad gwrthgymdeithasol yng nghanol trefi i'w godi â Grŵp Cadeiryddion ac Is-gadeiryddion Craffu i'w ddyrannu'n briodol.

7 PROSIECT CANOLBWYNT GWASTRAFF BWYD GOGLEDD DDWYRAIN CYMRU

Cyflwynodd yr Uwch Swyddog Gwastraff (USG) adroddiad a oedd yn darparu diweddariad ar y prosiect gwastraff bwyd cydweithredol â Chyngor Bwrdeistref Sirol Conwy a Chyngor Sir y Fflint wedi i'r Cynigydd Dewisol, NEAT Biogas Limited, fethu â sicrhau'r cymorth ariannol angenrheidiol i ddatblygu a gweithredu ffatri dreulio'r Canolbwynt. Fe dynnodd NEAT yn ôl o'r prosiect ac fe ddaethpwyd â'r Cynigydd Wrth Gefn, BiogenGreenfinch, i mewn i adeiladu a gweithredu'r ffatri ar gost fymryn yn uwch, ond dywedwyd fod hyn yn dal yn gyfforddus o fforddiadwy o fewn y gyllideb a ddyrannwyd i'r prosiect. Roedd y newid cynigydd wedi achosi oedi'r prosiect o 6 mis ond roedd y gwaith cytundebol yn y camau datblygedig ac roedd y terfyn ariannol i ddigwydd ar Hydref 15^{fed}/16^{eg} 2012.

Rhoddwyd nifer o gwestiynau gan y Pwyllgor ynglŷn â'r defnydd posib o sgil-gynnyrch. Dywedodd yr USG, er y gallai'r gwres a gynhyrchir yn y ffatri fod yn ddefnyddiol mewn rhai amgylchiadau, roedd yn annhebygol o fod o unrhyw ddefnydd ymarferol penodol i'r safle a gynlluniwyd oherwydd yr angen i'r gwres gael ei bibellu'n uniongyrchol i'w gyrchfan a phellter cymharol y safle o adeiladau eraill. Fodd bynnag, gellid trosi'r bio-nwy a gynhyrchir fel sgil-gynnyrch yn drydan a hefyd roedd y gweddillion treuliad anaerobig wedi ei nodi i fod yn ddefnyddiol i ffermwyr lleol.

Ymholodd y Cynghorydd Margaret McCarroll a oedd problem ddiweddar ynglŷn â bagiau tafladwy o ansawdd gwael a ddarperir ar gyfer gwastraff bwyd, wedi ei datrys. Dywedodd yr USG fod y broblem wedi ei nodi a bod bagiau gwell yn cael eu defnyddio'n awr, ond roedd yn cydnabod fod cyflenwadau o'r swp o ansawdd gwaelach wedi eu dosbarthu.

Gofynnodd y Pwyllgor sut y gellid monitro gweithrediad y ffatri ac fe awgrymwyd y gellid cyflwyno adroddiad i'r Pwyllgor pan fyddai'r ffatri'n weithredol mewn oddeutu 12 mis. Gwahoddwyd Aelodau i ymweld â'r safle pan fyddai'n weithredol.

***Penderfynwyd** bod y Pwyllgor yn derbyn yr adroddiad ac yn nodi oblygiadau'r newid yn y cynigydd dewisol ar gyfer datblygu ffatri gwastraff bwyd i BiogenGreenfinch.*

8 ADRODDIAD BLYNYDDOL BWRDD LLEOL DIOGELU PLANT (BLIDP) CONWY A SIR DDINBYCH

Cyflwynodd Cyfarwyddwr Corfforaethol: Moderneiddio a Lles (CC:MLI) adroddiad yn rhoi trosolwg o weithrediad, llywodraeth a threfniadau ariannol Bwrdd Lleol Diogelu Plant Conwy a Sir Ddinbych (BLIDP) a pherfformiad y BLIDP yn erbyn ei flaenoriaethau allweddol ar gyfer 2011-12. Rhoddodd Rheolwr Busnes BLIDP ddiweddariad i'r Pwyllgor ar Adroddiad Blynyddol 2011-12 a oedd yn delio â chyfraniadau partneriaid, darpariaeth hyfforddiant, trefniadau archwilio a sicrwydd ansawdd, Adolygiadau Achosion Difrifol a'r cynnydd a wnaethpwyd hyd yma yn erbyn y Cynllun Busnes.

Roedd diweddariad chwe mis yn mynegi blaenoriaethau'r BLIDP ar gyfer 2012 – 13 fel:

- 1 Nodi plant sy'n arddangos Ymddygiad Rhywioledig Anaddas yn gynnar a chynnig help iddyn nhw, a bod plant sydd mewn perygl o niwed gan blant eraill yn cael eu diogelu
- 2 Mae'r BLIDP wedi ei sicrhau fod pob cam sydd ar gael wedi ei gymryd i leihau'r risgiau i blant gan staff anniogel
- 3 Mae dealltwriaeth gyffredin o drothwyon ar gyfer ymyriad yn cynorthwyo teuluoedd sy'n agored i niwed ac yn helpu i nodi plant sydd angen eu diogelu.

- 4 Mae plant yn saffach oherwydd bod partneriaethau sydd â chyfrifoldebau diogelu'n gweithio efo'i gilydd i ddiogelu plant.

Ac, yn parhau o 2011-12

5. Mae plant sy'n profi anawsterau oherwydd problemau eu rhieni/gofalwyr gyda chyffuriau ac alcohol, problemau iechyd meddwl neu gam-drin domestig, yn cael eu nodi fel na fydd pryderon yn gwaethygu o ddiogelu plant i broblemau amddiffyn plant.
6. I sicrhau bod cyfeiriad, gwaith ac adolygiad y BLIDP yn cael ei hysbysu gan ymgynghoriad a chyfranogiad gyda phlant, pobl ifanc, eu rhieni a'u gofalwyr

Mewn ymateb i gwestiynau gan aelodau'r Pwyllgor, gallodd CC:MLI egluro'r wybodaeth ganlynol:

- Fod yna raglen eang o hyfforddiant diogelu ar wahanol lefelau, yn cynnwys hyfforddiant mewn adnabod ymddygiad rhywiol dig amhriodol.
- Roedd Tabl 4 yn dangos presenoldeb mewn cyrsiau hyfforddi ar draws gwahanol asiantaethau ac fe nodwyd presenoldeb cymharol wael staff CSDd. Priodolwyd y gwahaniaethau i'r ystod o gyfarfodydd cymwys a'u hamlder ar gyfer gwahanol asiantaethau, a dywedwyd fod yna bresenoldeb da iawn yn y prif fwrdd ac roedd CSDd wedi cyfrannu'n bositif iawn.
- Dywedwyd nad oedd yr amser a gymerwyd i gynhyrchu adroddiad ar hunanladdiad plentyn yn anarferol o hir oherwydd cymhlethdod ymchwiliad a oedd yn cynnwys sefydliadau lluosog. Roedd yr adroddiad wedi ei gwblhau ac roedd i'w gyhoeddi'n fuan.

Diolchodd y Cadeirydd i'r CC:MLI am yr adroddiad a nododd na chafwyd unrhyw ddiffygion arwyddocaol gyda diogelu plant, a chytunodd bod gwaith y BLIDP yn bwysig iawn i sicrhau ymwybyddiaeth o broblemau potensial drwy fonitro effeithiol.

Penderfynwyd fod y Pwyllgor:

i) yn derbyn Adroddiad Blynyddol y Bwrdd Lleol Diogelu Plant, a bod sylwadau aelodau ar yr adroddiad yn cael eu nodi

ii) yn nodi'r datblygiadau diweddar o ran y blaenoriaethau a osodwyd gan y Bwrdd Lleol Diogelu Plant yn chwarter cyntaf 2012-13

9 RHAGLEN WAITH CRAFFU

Cyflwynodd y Cydlynnydd Craffu adroddiad ar Raglen Waith Craffu a oedd yn mynegi'r gwaith a drefnwyd ar gyfer y Pwyllgor yn y misoedd i ddod, rhoddodd ddiweddariad ar y cynnydd a wnaethpwyd gyda gweithrediad penderfyniadau'r Pwyllgor a nododd faterion eraill a oedd yn ymwneud â gwaith y Pwyllgor.

Esboniwyd fod eitem ar y Perygl o Lifogydd yn Sir Ddinbych wedi ei chyfeirio o'r Pwyllgor Craffu Cymunedau yn eu cyfarfod ym mis Gorffennaf a chytunodd y

Pwyllgor Craffu Partneriaethau fod yr eitem yma i'w hystyried yn y flwyddyn newydd.

Dywedodd y Cydlynnydd Craffu wrth y Pwyllgor fod dau gyfarfod arbennig wedi eu trefnu, i ystyried adroddiad ar integreiddiad llawn Priffyrdd a Seilwaith CBS Conwy a CSDd ar Hydref 11, ac i gyfarfod â chynrychiolwyr Bwrdd Iechyd Prifysgol Betsi Cadwaladr ar Dachwedd 29ain.

Cytunodd y Pwyllgor i benodi'r Cynghorydd Dewi Owens i'r Grŵp Monitro Ysgolion, ac i benodi'r Cynghorydd Joan Butterfield i'r Grŵp Cydraddoldeb Corfforaethol, gyda'r Cynghorydd Owens yn ddirprwy a enwir.

Penderfynwyd, yn amodol ar yr uchod:

i) Cymeradwyo'r Flaenraglen Waith;

ii) Penodi'r aelodau a enwir uchod i wasanaethu fel cynrychiolwyr y Pwyllgor ar y Grŵp Monitro Ysgolion a'r Grŵp Cydraddoldeb Corfforaethol.

10 ADBORTH GAN GYNRYCHIOLWYR Y PWYLLGOR

Ni chyflwynwyd adborth o bwyllgorau eraill